



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 47. Alphonsi de Castro obitus.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

ctavo Mense Junio Gandavii fatis excesserit, quamvis alii illius obitum ad priorem annum revocent.

Sæcul. XVI.
A.C. 1558.

§. XLVII.

Alphonsi de Castro obitus.

Alter erat Alphonfus de Castro Hispanus ex Ordine FF. Minorum patria Zamorensis ob sacrae eloquentiae præstantiam inter ævi sui Prædicatores in Hispania celeberrimus. Hic ob meritorum famam Carolo V., & Philippo II. percarus, eundem Philippum, cum Mariam Reginam ducturus in Angliam contenderet, in itinere comitabatur: inde vero postea in Belgium reversus est, ubi antea jam diu morabatur, quapropter ibidem adhuc egisse censetur, cum ad Compostellanum Archiepiscopatum, qui Toletani Cardinalis obitu vacabat, nominaretur, quamvis, priusquam electionis suæ diploma reciperet, jamjam Bruxellis die decima tertia Februarii Anno Incarnationis Dominicæ 1558. vivis ereptus fuisset, postquam sexagesimum tertium ætatis suæ annum expleverat. Ceterum opera, quæ iterato prælo excusa posteris reliquit, ipsam illius eruditionem longe ampliori elogio celebrant, quam cujuscunque lingua assequi posset: scripsit enim stylo admodum eleganti, atque in lectione assiduus

Andr. Scot.
Nicol. Ant. in
Bibl. hist.
Dupin. Bibl.
t. 16. p. 20.

Hist. Eccles. Tom. XLIII. G majore

Sæc. XVI
A.C. 1558.

majori soliditate quæstiones dogmaticas, quam historicas pertractabat, nec non calamo magis diffuso in refutandis novis hæresibus, quam conscribenda veterum historia utebatur. Porro cunctos hujus Scriptoris tractatus Pater Feuardentius ejusdem Ordinis Alumnus Anno Salvatoris nostri millesimo quingentesimo septuagesimo octavo Parisiis excudi curavit, ubi jam antea anno Domini millesimo quingentesimo sexagesimo quinto in quatuor voluminibus impressi prodibant.

Ceterum hæc ipsa volumina continent I. tractatum contra omnes hæreses, hocque opus in quatuordecim libros divisum partim dogmaticam, partim historicam continet doctrinam, nec tamen ordinem chronologicum sequitur, sed potius hæreses ordine alphabetico annotatis errorum titulis recenset, exponitque hæreses, circa quodlibet dogma enatas, enarratque earum Auctores, ac præcipuos discipulos, nec non Conciliorum definitiones, quibus fuerunt damnati, præter Scriptores, qui eos confutarunt. Ibidem etiam comprobatum reddit, quod verum Sacræ Scripturæ sensum in doctrinæ dubio determinare ad Ecclesiam pertineat, resque dentur, quas credere oportet, quin sint scriptotenus expressæ, cum
traditio-

traditioni, ac Ecclesiæ definitionibus in-
 nitantur. Ostendit quoque, quod Con-
 cilia generalia universam repræsentent
 Ecclesiam, nec fallere queant, videtur
 tamen dubitare, an Pontifex sit infalli-
 bilis. Insudabat Alphonsus huic operi
 ab anno Domini millesimo quingente-
 simo trigesimo quarto usque ad annum
 millesimum quingentesimum quinquage-
 simum sextum: illius vero editionem
 magis auctam Philippo II. nuncupabat,
 in qua etiam continentur tres libri de
 promerita hæreticorum castigatione,
 necnon tractatus de vi legis pœnalis
 præter viginti quinque in Psalmum quin-
 quagesimum, & in trigesimum primum
 viginti quatuor homilias. Existat quo-
 que hujus Scriptoris commentarius in
 duodecim Prophetas minores.

Sæcul XVI.
 A. C. 1558.

§. XLVIII.

*Mors alterius Alphonsi a Castro
 Jesuitæ.*

Nec etiam silentio prætereundus est
 alius quidam Alphonsus a Castro
 Jesuita patria Lusitanus, qui in Indiis
 Orientalibus per undecim annos Christi
 Evangelium prædicabat, ac Moluccen-
 sis Conventus Rector Anno Christi mil-
 lesimo quingentesimo quinquagesimo o-
 ctavo ab Idololatriis captus, omnibus-
 que vestibus spoliatus per quinque soli-

*Alegambe
 Bibl. Patr.
 Soc. Jesu in
 append.
 p. 659.*